

Altera autem die, quæ post Parasceven, convenerunt Principes Sacerdotum, & Pharisæi ad Pilatum, dicentes: Domine, recordati sumus, quia seductor ille dixit adhuc vivens: Post tres dies resurgam. Iube ergo custodiri sepulchrum usque in diem tertium, ne fortè veniant Discipuli ejus & furentur eum, & dicant plebi: Surrexit à mortuis, & erit novissimus error pejor priore. Ait illis Pilatus: Habetis custodiam, ite, custodite sicut scitis. Illi abeuntes, munierunt sepulchrum, signantes lapidem, cum custodibus. Matth. 27. vers. 62...66.

RESURRECTIO CHRISTI.

I. C. resurgit à mortuis.

CLXIII. Et ecce terræ motus factus est magnus. Angelus Domini descendit de caelo, & accedens revolvit lapidem, & sedebat super eum: erat aspectus ejus sicut fulgur, & vestimentum ejus sicut nix. Præ timore exterriti custodes, facti sunt velut mortui, & venerunt in civitatem, & nuntiaverunt Principibus Sacerdotum omnia, quæ facta fuerant: & congregati illi cum Senioribus, consilio accepto, copiosam pecuniam dederunt militibus, dicentes: Dicite quia Discipuli ejus nocte venerunt, & furati sunt eum, nobis dormientibus. Matth. 28. vers. 2...4. & vers. 11. 12. 13.

Ad Iesu Christi monumentum veniunt mulieres.

CLXIV. Et cum transisset Sabbatum, Maria Magdalene, & Iacobi, & Salome emerunt aromata, ut venientes ungerent Iesum, & valde manè una Sabbatorum veniunt ad monumentum orto jam Sole, & dicebant ad invicem: Quis revolvit nobis lapidem ab ostio monumenti? & aspicientes viderunt revolutum lapidem, erat quippe manè valde, & introeuntes in monumentum, Marc. 16. vers. 1...5. non invenerunt Corpus Domini. Cucurrit ergo Maria Magdalene, & venit ad Simonem Petrum, & ad alium Discipulum, quem amabat Iesus, & dicit illis: Tulerunt Dominum de monumento, & nescimus ubi posuerunt eum. Ioann. 20. vers. 2.

Ad Iesu Christi monumentum veniunt Petrus & Ioannes.

CLXV. Exiit ergo Petrus, & ille alius Discipulus, (Ioannes) & venerunt ad monumentum: currebant autem duo simul, & ille alius Discipulus præcurrit citius Petro, & venit primus ad monumentum, & cum se inclinasset, vidit posita linteamenta, non tamen introiit. Venit Simon Petrus sequens eum, & introivit in monumentum & vidit linteamenta posita, & sudorium, quod fuerat super caput ejus, non cum linteaminibus positum, sed separatim involutum in unum locum. Tunc introivit & ille Discipulus, qui venerat primus ad monumentum, & vidit, & credidit (sublatum) nondum enim sciebant Scripturam, quia oportebat eum à mortuis

resurgere. Abierunt ergo iterum Discipuli ad semetipsos. Ioan. 20. vers. 3...10.

I. C. apparitio Mariæ Magdalene sub specie hortulani.

Maria autem (quæ jam redierat) stabat CLXVI ad monumentum foris plorans, & dum flet, inclinavit se, & prospexit ad monumentum, & vidit duos Angelos in albis sedentes: unum ad caput, & unum ad pedes, ubi positum fuerat Corpus Iesu. Dicunt ei illi: Mulier quid ploras? Dicit eis, quia tulerunt Dominum meum, & nescio ubi posuerunt eum. Hæc cum dixisset, conversa retrorsum vidit Iesum stantem, & non sciebat quia Iesus esset. Dicit ei Iesus: Mulier quid ploras? quem quæris? illa existimans quia hortulanus esset, dicit: Domine, si tu sustulisti eum, dicito mihi, ubi posuisti, & ego eum tollam. Dicit ei Iesus: Maria. Conversa illa dicit Rabboni? i. Magister. Dicit ei Iesus: Noli me tangere, vade autem ad fratres meos, & dic eis: Ascendo ad Patrem meum, & Patrem vestrum, Deum meum & Deum vestrum. Venit Maria Magdalene annuntians Discipulis, quia vidi Dominum, & hæc dixit mihi. Ioann. 20. vers. 11...18.

I. C. apparitio Mulieribus.

Respondens Angelus dixit Mulieribus: CLXVII Nolite timere vos; scio quod Iesum Nazarenum, qui crucifixus est, quæritis, non est hic, surrexit sicut dixit; venite & videte locum, ubi positus erat Dominus, sed ite, & dicite Discipulis ejus, & Petro, quia surrexit, & ecce præcedet vos in Galilæam, ibi eum videbitis, sicut prædixit vobis. Matth. 28. vers. 1...7. & exierunt citò de monumento cum timore & gaudio magno, currentes nuntiare Discipulis ejus: & ecce Iesus occurrit illis, dicens: Avete. Illæ acceperunt, & tenuerunt pedes ejus, & adoraverunt eum. Tunc ait illis: Nolite timere, ite, nuntiate fratribus meis, ut eant in Galilæam, ibi me videbunt. Matth. 28. vers. 8. 9. 10.

I. Christi apparitio duobus Discipulis eun- tibus Emauentem.

Duo ex Discipulis ibant ipsa die in castellum, CLXVIII quod erat in spatio stadiorum sexaginta ab Ierusalem nomine Emmaus, & ipsi loquebantur de his omnibus, quæ acciderant (de morte Christi,) & dum fabularentur, Iesus appropinquans ibat cum illis; oculi autem eorum tenebantur, ne eum agnoscerent, & ait Iesus: Qui sunt hi sermones, quos confertis ad invicem? Respondens Cleophas dixit: Tu solus peregrinus es in Ierusalem, & non cognovisti quæ facta sunt in illa de Iesu Nazareno? qui fuit Propheta potens in opere, & sermone coram Deo, & omni populo, & quomodo eum tradiderunt Summi Sacerdotes, & Principes nostri in damnationem mortis, & crucifixerunt eum. Nos autem sperabamus, quia ipse esset redempturus Israël; & nunc tertia dies est hodiè, quod hæc facta sunt. Et ipse (Iesus) dixit ad eos: O stulti, & tardi ad credendum in omnibus, quæ locu-